

Payamanin Mo

★ Pagtukoy sa Katutubong Salita para sa Hiram na Salita sa tulong ng Pahiwatig na Pangungusap

PAGSASANAY 1: Piliin sa kahon ang katutubong salita para sa hiram na salitang may salungguhit sa pangungusap. Isulat sa patlang ang titik ng sagot.

- | | | |
|------------|---------------|----------------|
| a. huli | c. paaralan | e. oras |
| b. pangkat | d. pagsasanay | f. punong-guro |

- ___ 1. Halos araw-araw ang itinakdang praktis ng mga mag-aaral para sa itatanghal sa palatuntunan.
- ___ 2. Ayaw naming mapahiya ni Bb. de Jesus sa aming prinsipal.
- ___ 3. On time na laging nagsisimula ang ano mang gawain sa aming iskul.
- ___ 4. Ilang ulit siyang leyt sa oras na pinagkasunduan nilang magkakamag-aral.
- ___ 5. Si Carla ang pinakamahusay umarte sa kanilang grupo.

★ Pagpili sa Magkasalungat na Salita sa pamamagitan ng Pagkakagamit sa Pangungusap

PAGSASANAY 2: Kahunan ang dalawang salitang magkasalungat ang kahulugan sa pangungusap.

- 1. Biglang nagsigawan ang dalawang nag-uusap kaya nag-anasan ang mga taong nasa paligid nila.
- 2. Nagtataka ako sa iyo. Nauna mo pang natapos ang mabigat mong takdang-aralin kaysa roon sa magaan.
- 3. Marami ang tumanggap ng trabaho sa ibang bansa samantalang mayroon ding tumanggi.
- 4. Kung bigo ka sa unang eksperimento, maaari namang matagumpay ang susunod.
- 5. Bagalan mo naman ang paglalakad kasi hindi ko na kayang bilisan pa ang aking mga hakbang.